

妙法蓮華經。陀羅尼品。

第二十六

爾時藥王菩薩。即從座起。
偏袒右肩。合掌向仏。而
白仏言。世尊。若善男子。
善女人。有能受持。法華
經者。若讀誦通利。若書
寫經卷。得幾所福。仏告
藥王。若有善男子善女人。
供養八百万億。那由佗。
恒河沙等諸仏。於汝意云

何。其所得福。寧為多不。
甚多世尊。仏言。若善男子。善女人。能於是經。乃至受持。一四句偈。誦解義。如說修行。功德甚多。爾時藥王菩薩。白仏言。世尊。我今當與說法者。陀羅尼呪。以守護之。即說呪曰
安爾 曼爾 摩禰 摩摩
禰 旨隸 遮梨第 賒

咩 賒履 多瑋 羶

帝 目帝 目多履 沙履

阿瑋沙履 桑履 沙履

叉裔 阿叉裔 阿耆膩

羶帝 賒履 陀羅尼 阿

盧伽婆娑 簸蔗毘叉膩

禰毘剃 阿便哆邏 禰履

剃 阿亶哆波隸輸地

歐 究隸 牟究隸 阿羅隸

波羅隸 首迦差 阿三磨

三履 仏馱毘吉利表帝

達磨波利差 帝 僧伽涅
瞿沙禰 婆舍婆舍輸地
曼哆邏 曼哆邏 又夜多
郵樓哆 郵樓哆 憍舍略
惡叉邏 惡叉冶 多冶
阿婆盧 阿摩若 那多夜
世尊。是陀羅尼神呪。六
十二億。恒河沙等。諸仏
所說。若有侵毀。此法師
者。則為侵毀。是諸仏已。
時釈迦牟尼仏。讚藥王菩

薩言。善哉善哉。藥王汝
愍念擁護。此法師故。說
是陀羅尼。於諸衆生。多
所饒益
爾時勇施菩薩。白仏言。
世尊。我亦為擁護。讀誦
受持。法華經者。說陀羅
尼。若此法師。得是陀羅
尼。若夜叉。若羅刹。若
富單那。若吉蔗。若鳩槃
荼。若餓鬼等。伺求其短。

無能得便。即於仏前。而

説呪曰

座隸 摩訶座隸 郁枳

目枳 阿隸 阿羅婆第

涅槃第 涅槃多婆第 伊

緻柅 韋緻柅 旨緻柅

涅槃墀柅 涅槃墀婆底

世尊。是陀羅尼神呪。恒

河沙等。諸仏所説。亦皆

隨喜。若有侵毀此法師者。

則為侵毀。是諸仏已

爾時毘沙門天王護世者。
白仏言。世尊。我亦為愍
念衆生。擁護此法師故。
說是陀羅尼。即說呪曰
阿犁 那犁 𪛗那犁 阿
那盧 那履 拘那履
世尊。以是神呪。擁護法
師。我亦自當。擁護持是
經者。令百由旬內。無諸
衰患
爾時持国天王。在此會中。

与千万亿那由佗。乾闥婆
衆。恭敬圍繞。前詣仏所。
合掌白仏言。世尊。我亦
以陀羅尼神呪。擁護持法
華經者。即說呪曰
阿伽禰 伽禰 瞿利 乾
陀利 旃陀利 摩蹉耆
常求利 浮楼莎 柅 頰
底
世尊。是陀羅尼神呪。四
十二億。諸仏所說。若有

侵毀。此法師者。則為侵
毀。是諸仙已
爾時。有羅刹女等。一名
藍婆。二名毘藍婆。三名
曲齒。四名華齒。五名黑
齒。六名多髮。七名無猷
足。八名持瓔珞。九名臯
諦。十名奪一切衆生精氣。
是十羅刹女。与鬼子母。
竝其子。及眷属。俱詣仙
所。同声白仙言。世尊。

我等亦欲擁護。讀誦受持。
法華經者。除其衰患。若
有伺求。法師短者。令不
得便。即於仏前。而説呪

曰

伊提履 伊提泯 伊提履

阿提履 伊提履 泥履

泥履 泥履 泥履 泥履

楼醯 楼醯 楼醯 楼醯

多醯 多醯 多醯 兜醯

毘醯

寧上我頭上。莫惱於法師。
若夜叉。若羅刹。若餓鬼。
若富單那。若吉蔗。若毘
陀羅。若犍馱。若烏摩勒
伽。若阿跋摩羅。若夜叉
吉蔗。若人吉蔗。若熱病。
若一日。若二日。若三日。
若四日。乃至七日。若常
熱病。若男形。若女形。
若童男形。若童女形。乃
至夢中。亦復莫惱。即於

仏前。而説偈言
若不順我呪 惱乱説法者
頭破作七分 如阿梨樹枝
如殺父母罪 亦如壓油殃
斗秤欺誑人 調達破僧罪
犯此法師者 当獲如是殃
諸羅刹女。説此偈已。白
仏言。世尊。我等亦当。
身自擁護。受持読誦。修
行是經者。令得安穩。離
諸衰患。消衆毒藥。仏告

諸羅刹女。善哉善哉。汝
等但能擁護受持法華名者。
福不可量。何況擁護。具
足受持。供養經卷。華香。
瓔珞。抹香塗香燒香。旛
蓋伎樂。然種種燈。蘇燈
油燈。諸香油燈。蘇摩那
華油燈。瞻蔔華油燈。婆
師迦華油燈。優鉢羅華油
燈。如是等。百千種供養
者。臯諦。汝等及眷屬。

心当擁護。如是法師。說
此陀羅尼品時。六万八千
人。得無生法忍